

## **Ik wer alt**

Ik wiet neet wurrum 't soms zoe mar gebeurt  
zonder 'n rije 'n oorlang getreurd  
zonder 'n rije loep ik weakelang  
langs meej te kieke, um niks wer ik bang  
um niks krieg ik troane, um niks wer ik schow  
ik kiek nar d'n hemel en ik kiek nar ow  
ik kiek televisie en ik krieg 't kalt  
ik kan nurges mier teage, val um, ik wer alt

misschien wuurd 't beater, misschien is 't woar  
elke stap di wuurd iets minder zwoar  
misschien lier ik leave met elk nij gebrek  
halt ik meejzelf en de rest vur de gek  
geboage vol vroage loep ik oaver stroat  
um niks krieg ik ruzie, um niks wer ik kwoad  
um niks wer ik werm, um niks wer ik kalt  
't kan has neet anders, val um, ik wer alt

mar als ik an ow denk als ik ow wir zij  
denk ik: 'vandaag begint alles op nij'  
dan krieg ik 't werm, dan krieg ik 't kalt  
same met ow val ik um, wer ik alt

mar als ik an ow denk, als ik ow wir zij  
denk ik: 'vandaag begint alles op nij'  
dan krieg ik 't werm, dan krieg ik 't kalt  
same met ow val ik um, wer ik alt

[Tekst en muziek: Jack Poels]

[cd 'Zondag in 't zuiden, HKM 1995]